

Inatsiseqarnermut immikkoortortami inatsisilerinikkut pitsaassutsinik isumannaarinissamut siunnersuutinik tunniussisarnermut malittarisassat

Naalakkersuisut suleriaasiat pillugu Namminersorlutik Oqartussat nalunaarutaat nr. 28, 13. juuli 2022-mersumi kapitali 9 naapertorlugu aalajangersarneqarput:

Kapitali 1

Atuuffii

1.1. Malittarisassat Inatsisartut inatsisaannut, Namminersorlutik Oqartussat nalunaarutaannut aamma suliaasaqarfiit akimorlugit kaajallaasitanut siunnersuutit, kiisalu Namminersorlutik Oqartussat inatsisinut nalunaarutaannut missingiutit Inatsiseqarnermut immikkoortortami inatsisilerinikkut pitsaassutsinik isumannaarinissamut tunniunneqarneranni atuupput.

1.2. Aningaasanut inatsisinut aamma ilassutitut aningaasaliissutinut inatsisinut siunnersuut, ilanngullugit oqaasertaliussat ilusiligaanerata, malittarisassani pineqartunut ilaatinneqanngillat. Taakkua Aningaasaqarnermut Naalakkersuisoqarfiup ataaniipput.

1.3. Kommunini maleruaqqusanut siunnersuutit malittarisassani pineqartunut ilaatinneqanngillat. Taakkunani kommuninut maleruaqqusanut malittarisassat malinneqassapput.

Kapitali 2

Inatsisartut inatsisaannut siunnersuutit

Tunngaviusumik inatsisilerinikkut pitsaassutsinik isumannaarineq (siullermeertumik pitsaassutsinik isumannaarineq)

2.1. Tunngaviusumik inatsisilerinikkut pitsaassutsinik isumannaarinissamut Inatsiseqarnermut immikkoortortaq siunnersuutip tiguneraniit sapaatit akunnerini 4-ni piffissaqarpoq.

2.2. Tunngaviusumik inatsisilerinikkut pitsaassutsinik qulakkeerineq, siunnersuutip suliffiup iluani tusarniaassutigineqareernerata *kingorna*, kisianni siunnersuutip tamanut ammasumik tusarniaassutigalugu nassiunneqarnissaa *sioqqullugu* pissaaq.

Malitseqartitsilluni inatsisilerinikkut pitsaassutsinik isumannaarineq (aappassaannik pitsaassutsinik isumannaarineq)

2.3 Malitseqartitsilluni inatsisilerinikkut pitsaassutsinik isumannaarinissamut Inatsiseqarnermut immikkoortortaq siunnersuutip tiguneraniit sapaatit akunnerini 2-ni piffissaqarpoq.

2.4. Malitseqartitsilluni inatsisilerinikkut pitsaassutsinik isumannaarineq, siunnersuutip tamanut ammasumik tusarniaassutigineqareernerata *kingorna*, kisianni siunnersuutip Inatsisartut Allattoqarfianni Inatsisilerinermi Immikkoortortaqarfiani inatsisilerinikkut pitsaassutsinik isumannaarinissamut nassiunneqarnissaa *sioqqullugu* pissaaq.

Kapitali 3

Allannguutissatut siunnersuutit Naalakkersuisunit saqqummiunneqartut

Inatsisilerinikkut pitsaassutsinik isumannaarineq

3.1. Naalakkersuisut Inatsisartut inatsisaannut siunnersuutitut allannguutissatut siunnersuummik, Inatsisartuni suliarineqartussamik, saqqummiippata, allannguutissatut siunnersuut taanna Inatsiseqarnermut immikkoortortami inatsisilerinikkut pitsaassutsinik isumannaarinissamut nassiunneqassaaq.

3.2. Inatsisilerinikkut pitsaassutsinik isumannaarineq, allannguutissatut siunnersuutip Inatsisartunut nassiunneqarnissaa *sioqqullugu* pissaaq.

3.3. Allannguutissatut siunnersuut taanna nukingiussassatut iluseqarpat, taakkua Inatsisilerinermut immikkoortortami salliutinneqassapput aammalu sapinngisamik sukanerpaamik pitsaassusaat isumannaarneqassallutik.

Kapitali 4

Namminersorlutik Oqartussat nalunaarutaannut siunnersuutit

Tunngaviusumik inatsisilerinikkut pitsaassutsinik isumannaarineq (siullermeertumik pitsaassutsinik isumannaarineq)

4.1. Tunngaviusumik inatsisilerinikkut pitsaassutsinik isumannaarinissamut Inatsiseqarnermut immikkoortortaq siunnersuutip tiguneraniit sapaatit akunnerini 4-ni piffissaqarpoq.

4.2. Tunngaviusumik inatsisilerinikkut pitsaassutsinik qulakkeerineq, siunnersuutip suliffiup iluani tusarniaassutigineqareernerata *kingorna*, kisianni siunnersuutip tamanut ammasumik tusarniaassutigalugu nassiunneqarnissaa *sioqqullugu* pissaaq.

Malitseqartitsilluni inatsisilerinikkut pitsaassutsinik isumannaarineq (aappassaannik pitsaassutsinik isumannaarineq)

4.3. Malitseqartitsilluni inatsisilerinikkut pitsaassutsinik isumannaarinissamut Inatsiseqarnermut immikkoortortaq siunnersuutip tiguneraniit sapaatit akunnerini 2-ni piffissaqarpoq.

4.4. Malitseqartitsilluni inatsisilerinikkut pitsaassutsinik isumannaarineq, siunnersuutip tamanut ammasumik tusarniaassutigineqareernerata *kingorna*, kisianni siunnersuutip Naalakkersuisuni akuersissuteqarfigineqartussanngorlugu nassiunneqarnissaa *sioqqullugu*, pissaaq.

Kapitali 5

Suliassaqarfiit akimorlugit kaajallaasitanut siunnersuutit

5.1. Suliassaqarfiit akimorlugit kaajallaasitanut siunnersuutit, tassa imaappoq kaajallaasitat Naalakkersuisoqarfinni imaluunniit Aqutsisoqarfinni arlalinni atuuttussat, Inatsiseqarnermut immikkoortortami inatsisilerinikkut pitsaassutsinik isumannaariffigineqassapput.

Tunngaviusumik inatsisilerinikkut pitsaassutsinik isumannaarineq (siullermeertumik pitsaassutsinik isumannaarineq)

5.2. Tunngaviusumik inatsisilerinikkut pitsaassutsinik isumannaarinissamut Inatsiseqarnermut immikkoortortaq siunnersuutip tiguneraniit sapaatit akunnerini 4-ni piffissaqarpoq.

5.3. Tunngaviusumik inatsisilerinikkut pitsaassutsinik isumannaarineq, siunnersuutip suliffiup iluani tusarniaassutigalugu nassiunneqarnissaa *sioqqullugu* pissaaq.

Malitseqartitsilluni inatsisilerinikkut pitsaassutsinik isumannaarineq (aappassaannik pitsaassutsinik isumannaarineq)

5.4. Malitseqartitsilluni inatsisilerinikkut pitsaassutsinik isumannaarinissamut Inatsiseqarnermut immikkoortortaq siunnersuutip tiguneraniit sapaatit akunnerini 2-ni piffissaqarpoq.

5.5. Malitseqartitsilluni inatsisilerinikkut pitsaassutsinik isumannaarineq, siunnersuutip suliffiup iluani tusarniaassutigineqareernerata *kingorna*, kisianni inaarutaasumik akuersissuteqarfigineqartussanngorlugu nassiunneqarnissaa *sioqqullugu*, pissaaq.

Kapitali 6

Namminersorlutik Oqartussat inatsisinut nalunaarutaannut missingiut

6.1. Namminersorlutik Oqartussat inatsisinut nalunaarutai, tassa imaappoq inatsisip pingaarnep aamma inatsimmut pingaarnep allannguutitut inatsisit pisortatigoortumik ataatsimoortunngorlugit allanneqarnerat, aamma Inatsiseqarnermut immikkoortortami pitsaassutsit isumannaarneqartussanngorlugit nassiunneqassapput.

6.2. Namminersorlutik Oqartussat inatsisaannut nalunaarutini aallaqqaasiut, ataatsimoortunngorlugu allanneqarnera nassuiaatillu eqqortumik suliarineqarsimanersut Inatsiseqarnermut immikkoortortap misissussavaa.

6.3. Namminersorlutik Oqartussat inatsisinut nalunaarutai kalaallisut danskisullu tunniunneqassapput.

6.4. Namminersorlutik Oqartussat inatsisaannut nalunaarutit pitsaassusaannik isumannaarinissamut Inatsiseqarnermut immikkoortortaq missingiutip tiguneraniit sapaatit akunnerini 4-ni piffissaqarpoq.

Kapitali 7

Aalajangersakkat ataatsimoorussat

Siunnersuutininik tunniussineq

7.1. Siunnersuutit inatsisilerinikkut pitsaassusaasa isumannaarnissaannik qinnuiginninneq, Inatsisit pitsaassusaannut allakkanik nakkartitsisarfinnut (lovkvalitet@nanoq.gl) F2-mi inniminniinertut nassiunneqassaaq.

7.1.1. Inniminniinermi tamaginni siunnersuut ataasiinnaq nassiuteqqusaavoq.

7.1.2. Inniminniinermi siullermeertumik imaluunniit aappassaannik pitsaassutsinik isumannaarineq pineqarnersoq kiisalu siunnersuutip qulequtaa, allanneqassapput.

7.1.3. Allakkiat tunniunneqartut Word atorlugu pissapput.

7.1.4. Siunnersuutit aappassaannik pitsaassutsinik isumannaarinissamut nassiunneqartut, allannguutit siullermeertumik pitsaassutsinik isumannaarinerup kingorna ilanngunneqartut track changes atorlugu nalunaaqutserneqarnerannik imaqaassapput.

Siunnersuutit teknikkikkut aaqqissuunnerat

7.2. Allakkiat Inatsisinik allaffissornikkullu peqqussutinik teknikkikkut aaqqissuussisarnermut *malittarisassat*, allakkianik aaqqissuussisarneq pillugu kapitali 13-imiaalajangersarneqartut teknikkikkut aaqqissuunneqarsimassapput.

7.3. Allakkiat teknikkikkut piumasaqaatinit annertuumik allaanerussuteqartut, Naalakkersuisoqarfimmut pineqartumut iluarsisassanngorlugit utertillugit nassiunneqassapput.

Immikkut ittumik akuersinissamut periarfissaq

7.4. Siunnersuutini immikkut nukingiussassatut iluseqartuni Naalakkersuisoqarfiup Inatsiseqarnermut immikkoortortaq killigitat il.il. saneqqunneqarnissaannut immikkut ittumik akuersinissamik qinnuigisinnaavaa.

Kapitali 8

Atuutilersitsinermit ikaarsaarnissamullu aalajangersakkat

8.1. Malittarisassat makkua ulloq 1. maj 2023 atuutilerput.

8.2. Peqatigisaanik siunnersuutini inatsisilerinikkut pitsaassusaannik isumannaarinissamut Inatsisilerinermit immikkoortortaqarfimmut tunniussisarneq pillugu malittarisassat 10. september 2022-meersut atorunnaarsinneqarput.

8.3. Malittarisassani makkunani aammalu Inatsisilioriaatsinut malittarisassani 1. november 2011-meersuni aalajangersakkat imminnut naapertuutinnginneranni, malittarisassani makkunani aalajangersakkat malinneqassapput.

Inatsisilerinermit immikkoortortaqarfik, ulloq 28. april 2023

Jógvan Svabo Samuelsen (atsior.)

Inatsisileriffimmi pisortaq

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

